

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一七五冊

責任編輯：孫言誠 賀 偉

ISBN 7-5333-0615-5



E326/13

四庫全書存目叢書·集部一七五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16開本 45.625印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第一七五冊目次

集部・別集類

小草齋集三十卷續集三卷小草齋文集二十八卷(一)

〔明〕謝肇淛撰

小草齋集續集福建師範大學圖書館藏明刻本配鈔本小草齋文集江西省圖書館藏明天啓刻本

.....

小草齋集三十卷續集三卷

小草齋文集二十八卷

(一)

〔明〕謝肇淛撰

小草齋集續集福建師範大學圖書館

藏明刻本配鈔本小草齋文集江西

省圖書館藏明天啓刻本

謝工部詩集序



本朝詩人與李唐等埒閩則林子羽
正始鄭善夫中興具在於今項背相
望就余所見若葉學士進鄉曾憲
長能招鄧汝高泰議謝在杭工部皆
高廷禮所謂名家大家也葉醇雅典則
小草齋集 序 一
以相業掩鄧秀則閎深以中道夭曾
簡練冲澹而邇邇仕路與謝略同二十
年前讀在杭詩以為閩士無輩項始
卒業其全集云賦則旁引廣譬窮
態極思馳驅不失興寄殊遠平子文
考安仁士衡之流也宋府則豐約又

質適得其中房中鏡歌之流也俯而
為六朝白苧子夜之流也五言古贍
而不俳華而不靡或樸茂渾成或清
虛曠逸鮑謝陶韋之流也七言古音
節鮮明氣勢沈鬱抑揚闢闢交幻
超忽高岑王李之流也五七言律

小草齋集 序

二

與長律比耦精嚴骨力勁挺刻畫
不過巧瑰麗不近誇盛唐諸子之
流也絕句意在筆先款在言外泰
容警策短長合度太白少伯之流也
統而論之商彝周鼎為古質而薛
談秦青為聲調干將莫邪為銳穎

而高唐下蔡為柔曼行雲流水為
自然而削鑠弄丸為用奇敦陳慤
旅為方格而冠冕佩玉為雍容終嘅
喬林為聳拔而幽谷寒泉為沈遠
詩家之美集大成矣抑何脩而臻此
蓋詩有法存焉離之者野狐外道泥

小草齋集 序

三

之者小乘縛律在杭書破萬卷神
遊千古其專一必病癭承蜩其積累
如紀渚養鷄其賞鑒略北牡驪黃如
九方臯相馬舉止無俗累出入皆
天機故其詩平循古法而中有特
造孤詣體盡所不備受無所不

盡杼軸自操索齋靡窮斧鑿每
痕鏤錘獨珍試取兩京六朝四唐
詩並觀雖胡寬營新壘紀昌學
飛術不肖於此矣豈夫才有偏至
識有偶中鹵莽滅裂從事學問
者竊窺藩籬之外可妄億室中之
小草齋集 序 四

大泌山人李維楨本寧父

小草齋集敘

長洲張獻翼幼于謨

夫唐以詩取士士咸詩工然大曆掄才曾不踰
十建安作者僅若而人詩可易言哉後尚經義
而詩幾於亡既乏博依之學安取緣情之藻無
恠乎今之詩不逮古也明興作者詞宗正始格
祖開元寢淫至

孝武之朝獻吉李氏仲默何氏昌穀徐氏彬彬
振藻詞林而海內亦且向風矣殆嘉隆間前有
小草齋集 雜序 一

皇子循兄弟蔡子木後有于鱗元美諸君子繼
起皆振藻郎曹不在大曆建安之下宮商雜奏
而竝出雅音丹素互施而悉呈艷績猗歟盛哉
閩中有十子詩予恨生晚不及見又有七子詩
出予讀之而愧在於前願為下拜焉七子之外
復有陳子卿謝在杭二君皆與予善諸君子逞
雕篆之技締筆札之交抵掌而談秦漢奮力以
挽風騷詩教風行作者雲集音非朱絃詞非黃
絹寧棄去不屑就也沿流於十九溯源於三百

豈徒尚經義取青紫而已哉在杭適解褐鴻漸
將上書鳳鳴以儒術緣飾吏事振鷺羽於彤階
奏鸞音於清廟匪直以鉛槧垂聲者是編也蓄
藻於建安騰聲於慶曆希躅於少陵汎駕於長
慶兼綜潘陸鈔契陶韋故其綴詞宛以麗其御
氣雄以健其摠思優以雋其援事典以則其振
響和以平姜華喻好於春風芙蓉比妍於秋水
才情信美而寄興尤深矣坐見紙貴都門譜傳
樂府近自鳳掖遠屆雞林如嘗鼎一臠已知其
小草齋集 雜序

二

味觀鳳一羽已知其德于鱗元美已死非君將
誰與哉粵稽謝氏最鍾康樂玄暉託跡於宣城
惠連通夢於池草宣遠嗣響希逸流聲千載而
下乃有在杭可謂克遵家範無替世美矣予兄
弟弱齡嗜詩究心作者諸君子間有占綴若握
靈蛇而得珠至於譏評敢謂操龍淵以議割乃
知詩固難言知尤不易豈其要之亦惟勗之而
已

謝在杭詩序

東海友人屠隆謨

黃白仲與余抵掌海內詞人遂及閩士而指屈
在杭謝君才橫絕一世蚤歲登壇所稱詩峭蒨
秀偉卓然名家為人軒軒霞舉亭亭物表趾高
視卑冲襟可挹且薄收效于三事而厚彈力于
千秋異日者與子東面而爭牛耳之盟必夫
也不佞逡巡避席曰主臣余雅知在杭夫閩山
水秀甲齊州靈爽之氣蜿蟺磅礴盡發此時方
小草齋集 雜序

三

來之俊雲蒸泉涌先後通名字不佞者無慮數
十家削牘有至萬餘言者洞目駭心觀聽于是
為巨要以閩中白眉則首推在杭亦猶海錯之
推西施乳荔支之推陳紫江綠而山川之推武
夷九淦也不佞向慕謝君往年嘗賦詩四章將
訊之吳興尋如金閭藁為雲間人簞去不得達
又一歲而晤在杭虎林酒鎗茶鼎不律如意相
得甚驩不佞酒中戲語在杭五霸桓文為盛降
而秦穆楚莊漸以姜蒨再降而卑之乎吳子欲

承一時之乏妄規此物踉蹌黃池之上卒為天下笑不佞與弇州新都交臂接軫則亦惟是邾莒滕薛之奉齊楚秦晉爾自兩公即世此物漫無所屬而海內操觚者如雲亡弗張目搯擊起而爭之世有虞于不佞者極口而訾極力而擠若惟恐不佞之一旦蹙蹙以登如目之有翳必去而後快不佞軒渠我其鵷雛耶腐鼠此物久而鵷尚嚇我且桓文既沒余豈不度而為吳子哉余且跳而託于團焦淨業矣以故遇世之嗜

小草齋集 雜序

四

古而操深心者急名而鼓盛氣者才望既久而勢可幾者人地未至而力可副者余必長跼奉此物進之力副而勢幾則在杭其人所為峭蒨秀偉軒軒亭亭斯登壇之器白仲之人倫鑒不爽也在杭別後使使以詩序見屬余業撰一首詒之使者乃為殷豫章浮沉又不達而故艸又尋逸去在杭數以詩責逋會余奉大諱毀甚不能搦管居一歲而始為句當則不能舉舊作一語遂更著成篇工拙不可知大都視舊作加詳

焉兩纂著而兩不達豈亦有數耶不佞近論詩如瑯琊歷下有才力而寡性情務聲調而乏自得繇兩公為政士爭趨之成風風人之旨殆盡必也取三謝之清蒼救六朝之浮靡采王孟之簡澹濟李杜之沉雄令天真與奇藻並爛名言與勁氣相宣斯其極則妙境哉在杭辨此審矣不佞性疏而輕名根應世詩文無論多至洋洋纚纚千言萬寡至寂寥數語往往援筆矢口布之通都工拙惟命近以學道戒綺妄疏筆研人

小草齋集 雜序

五

購之未嘗不應愈援筆矢口了不經意其以夫夫才盡而舍旃幸甚蓋不能峻龍門拒人又不能苦心竭力而與海內爭此物則亦惟名根輕故為語操觚諸君子無復以腐鼠嚇我哉余之銜壁與櫬久矣

小草齋集序

黔陽喻政謨

二十年來天下無王元美先生而詞壇之狎主其柄散漫而無所屬問鼎之雄所在綦置往往有其志而無其學有其學而無其才有其才而不能如其精力之鼓舞足以驅一世而為歸市之從夫所謂精力之鼓舞不獨獎與後進而已也掊擊前輩則耳目一新標位儔黨則瑕瑣互掩包荒其異已而不之校則紛呶自息凡此皆小草齋集 雜序 六

鼓而舞之之術也余生也晚不及與先生周旋誦其詩讀其書以知其人而神情之窳繁若溢于毫楮之間孟子曰伯必有大國以是而求之文章家元美先生尚矣其在於今則李本寧張楚謝在杭鳴閩余亦未得與李本寧周旋謝在杭則與余同事水部者余向已耳其名甚熟蓋甫傾也即迎而謂之曰夫詩與古文詞子無乃稱子之鄉自朱李諸大儒以理學閼洙泗之統而山川之靈久閼僅一洩於鄭繼之子欲扼而

奪其席耶在杭笑而不答其意固已遠矣辛亥余來守福州始盡發在杭集讀之其學如上國武庫其才如決黃河而注之東下振集元美之在與鳩手鑾江集元美之治兵青齊時乎居東集元美之入魏入吳興入晉入楚入鄖之侯乎塵餘枝乘縱難與宛委之編比多絮富然禁鼎壹鬻得味多矣可以掊擊前輩而在杭不為可以標位儔黨而在杭不肯即欲包荒異已不之校而在杭不必立于不貸之圃食于苟簡之田

小草齋集 雜序

七

而與李本寧中分魯王不待大其在斯人與即不盡然齊桓之正而不謫吾必以歸之在杭矣夫在杭弱冠而成進士今固甫及彊仕然自其少年苦不受徽墨糾纏故禮法之士疾之如仇二十年而官不過執戟所為詩文以冲夷寫其佗際以感慨發其飛揚國風好色而不淫小雅怨誹而不亂兼之者古惟靈均今則在杭世有識者當不駭吾言而反走耳余嘗以秋日過從在杭獨見星火流于其襜褕之隅者三由此以

觀在杭之文章其正在昭融之境天實啟之烏
能究所至者余才不逮在杭遠甚顧生平所周
旋惟傾慕吾在杭無兩也無奈天之以吏事困
余無從得暇日以供鉛槧然則余之作佛其猶
在靈運後乎余於是而三歎

小草齋集 雜序

八

遊燕集序

友人陳宏已譔

己丑夏陳子結勒將入燕馬首幾北矣會友人
謝在杭氏自燕山下第落落策一騶扶一蒼頭
奴手一囊過陳子江垞投之曰走之遊燕久上
書不報橐中金盡矣所餘物止此顧自謂游不
薄視陸生裝腴甚今享於吾子吾子其千金之
陳子受唯唯時方疥足枕一琴從花陰中讀之
便脫然若嗽痂又飄飄然若已過劍津佩水中
小草齋集 雜序

九

蒼龍度霞閣桑縹去射錢塘潮頭看姑蘇臺上
麋鹿游狀由齊經魯徘徊闕里飯鉅鹿登太行
直抵薊門酌酒燕昭王臺下以馬箠掀蓬中駿
骨而俎之日指顧西山爽氣在睂睫間也蓋在
杭年少矣顧才甚雄所為詩藹然古色過境即
際即被放猶然神王若此假後計而對公車策
數萬言後天子命給蘭臺札應制賦帝京上林
塞上諸篇其描寫壯遊氣象又當何如故不以
不文讓遂倚馬首題之內篋中期至燕與酒人

游日令荆高輩擊筑出歌當必有倚而和之者

遊燕二集序

太原王穉登譔

燕山自

文皇定鼎踰二百年衣冠玉帛之會莫盛於今日不珪爵也者榮則錢刀也者貨市上車如魚鱗馬如鴈行滾滾黃塵中疇非朱門甲第與銅山金埒之夫哉求昔日賣漿擊筑慷慨悲歌之風漸滅無遺操觚牘執鉛槧長裾鬼幘號詞人而吟諷者不過望塵乞墻之流假此為雄鷺東

小草齋集 雜序

十

小草齋集 雜序

十一

西奔走借交於公卿貴人為謀糈計耳是烏足與談雅頌二南之旨哉謝君在杭年少有異質風神俊邁高視遐舉若黃鵠冥鴻橫絕霄漢乍舉於鄉偕計吏而北上策公車不讎又三年再上乃讎於是游燕二集也始釋褐拜吳興司理司理雖官獄市乎然吳興山水佳麗苕霅二溪交於郡樓之前道場蒼弁諸山列岫參差或紫或黛浮沈粉堞間又多仙釋之宮金銀丹碧與波光巒彩相間顧渚之旗槍烏程之麴蘖可

以供拍浮滌胃。臚桑女漁郎携筐集網。往來於翠栢烟湖之中。不減武陵桃源君爰書之暇。耽好篇什。凝香坐嘯。攬轡行吟。瓶中之草。幾盈矣。邦之二三大夫。爭乞授。錄。君曰。吾為

陛下佐郡。奉三尺寧。當以風雅博名。高乎無已。姑錄游燕二集。二集者。即君前後上公車往來。經歷所著詩也。夫公車之士。方其失志。則牢愁孤憤。書空咄咄。及其得志。即又氣驕意滿。軒軒豪舉。一得一失之頃。詩道亦因之盈縮矣。讀君

小草齋集 雜序

十二

之詩。寄興微而綴詞雅。取調古而命意新秀。若可餐沃其堪把。朝霞敷而嶺絢。夕月印而潭空。由前而觀。無感士不過之嗟。由後而觀。亦無春風得意之味。非夫所謂穆如溫如。以雅以南者耶。君理吳之詩。當更勝於游燕時。蓋得諸山川之助。而所養益粹也。養粹則見博。見博則造深。造深則神王。神王則道高。道高而遇之顯微。榮辱舉不能櫻其懷。何至如昔人撲滿之戒乎。以此卜君三立之業。皆未艾。殺青僅自茲集始耳。

詩凡若干篇。并前集共二卷。讀者恨其不多。然鶚羹黿炙。指一染而足矣。必果腹然後稱美。

小草齋集 雜序

十三

鑾江集序

江都友弟陸無從課

往甲午武陵龍君御赴倅臨泚暫息真州結社
余以犬馬齒推為祭酒得次其詩曰橫山社集
是時君御有客欲附其詩與姓名余不敢假借
遂未竟殺青又五年所而為今戊戌吳興司李
閩中謝在杭坐論當徙治需次真州時故吳縣
令袁中郎長洲令江進之皆楚人皆先後以論
徙客真州在杭與之游甚驩其於登覽曲譙所
小草齋集 雜序 十四

得詩若干首彙而帙之題曰鑾江集將授築人
寓書廣陵謬以玄晏屬余余嚮慕在杭蓋廿年
未得一交臂而語至所傳下旅諸集業已瀾翻
在舌矣而是編得之敘遷羈旅之時其調尤冲
融婉至略無憂譏閨困之狀大抵發之情而約
之性者也風人之旨具矣夫唐稱工于詩所稱
文房夢得樂天子厚諸君子諸君子之詩所得
于隋播忠柳之間者不能無憂譏閨困怵邑無
聊之詞恒悽惋而不可讀詩即工奚益于性情

矣在杭以弱冠成進士出守司理其才橫絕一
代當用不次居交戟之內而顧以譏徙其治久
而不調而在杭率恬然遇之故其為詩冲融婉
至無少憂譏閨困之詞非深于性情者能然乎
且也鑾江處廣陵西鄙春秋稱楚地昔者伍大
夫員去楚適是遭漁丈人蘆中慷慨投劍而別
以故遷人羈士過其地者往往低回不忍去其
操感概同也又訓故家謂鬱伊愴怏懣悽惋
營營而荒忽者曰楚在音律為夢為激為變徵
小草齋集 雜序 十五

羽聲皆是物也然非金石之正響矣在杭是編
雖以鑾江名而所謂冲融婉至者弗稍變于所
遭余故謂得諸性情者深也它若君御中郎進
之諸君才高而拙于與在杭同其留滯羈旅同
至所為詩又皆冲融婉至壹發之情而灼乎性
其臭味又同遇合抑何奇矣真州故稱金穴鹽
井泉布之區一旦而僂得四君子非千載一時
乎而余所僅僅得奉牛耳以從者一君御耳雖
然真州而有四君子地重葵丘踐土矣卑之乎

滕薛邾莒何有焉

小草齋集
雜序

十六

居東集序

濟北臨邑友弟邢侗謨

今夫海內雞壇錯峙則掩畝充郊牛耳狎執則連鞬接幕麗璞涵夫腊鼠薺荒亂乎人復是以葉公之龍非應蟠之物木寓之驥眇騏驎之材匪夫極研窮討益以申晰則朱紫恒至易處真贗卒之兩殺以余所得閩在杭謝君則未易言也在杭冕黼冠族細索世緒幼而清今寢長英特書乃誦可等身人謂公是卿座蚤成進士頗

小草齋集 雜序

十七

猷時學屈首司李遜業董惟遂乃扶微靈祖淹函雅故褒褻輟為世鉅儒爰自吳興量移東郡依類託寓一意著書發軔射書之闥駐車歷山之麓猷次吊手方朔菑里感手次卿任城憶太白之舊阿曲尋陳思之跡雪宮留墟手齊境蜃市示幻于海溼不其之書帶俛存成山之塚文垂滅觸時撫景其能舍旃抑或訟庭讞慮積有餘閒寮佐周旋間成曲譙山郵攬空館之藥鬼廡借青燐之炬字勞編絕而欣以會心膚栗

手創而悽然寄慨凡于此際文筆迺適君喜為
詩詩分科品靡不峭宅風騷枕藉魏晉祖初禰
盛沿及厥中叢會諸長極之融液富滋明秀則
曲渚之芙蓉適怨清和則無端之錦瑟至于出
言天拔絕玄人匠森然骨部肅嫵下拜視夫耽
耽飾其孩嘍歔歔矜其齷楚良以逕庭矣若夫
文章大業君更破的長篇鴻製步履左班法度
章裁出諸慝素平大祛重舌之譯雄成免碎金
之誚時乎登高授簡則君家希逸之蹤也時乎
小草齋集 雜序 六

遊戲泚筆則休文甘蕉之致也時乎雜俎會粹
則義慶新語之嗣也時乎方言貯錄則子雲油
素之例也竊又窺夫餘勇所賈代斷更僕英氣
露于捉刀靈襟標手答版致能洽華簪于上座
聯風政于遠陬總之質稟軼羣才情開敏投之
所向無不中倫以斯較條流于吾黨論真贋之
所別求之中壤在杭其神龍天馬與哉在杭一
官落拓茹菜飴簾席犢殊其所如僮奴絕于常
隸報友翰一端之疏編娛內足四種之好香寫

論將付諸官奴營壁竊比于宗氏風期美矣官
何負乎在杭為余言一昨之日保旅鑒潯耳溢
者廣賢之簫目盡者蒜山之雪曾何計乎身之
在遠官之復躋也今來蓬羽太守後飛轡直指
前廿年老明經三日新子婦耳何日解腰下綬
還頭上冠婆婆安昌之野追逐蜚走之侶大蒼
出櫬黃棘下兔毫以乾葵壓之濁酒真足以樂
而忘死矣余曰在杭在杭曠志如許是能自作
文字田僧超結撰邇得不佳在杭大噓集署居
小草齋集 雜序 七

東記地也亦有風人之托也夫

謝在杭詩序

齊州山人劉勅謨

在杭齒不滿二十輒牛耳詞壇意耽耽不可一世江以南多辟易驚皇走願對壘者什一願執索韃者什九余駭然曰何物少年能令人不敢抗三寸湘斑也無何李法東郡按部如歷遂得把在杭臂余見之大噓曰氣岸嶽嶽毋乃英雄欺人者乎比讀其詩則舌吐而不能收矣請執筆研為奚奴在杭固遜謂大江之北僅得劉生小草齋集 雜序 二

吾兩人者豈張茂先所稱豐城之劍延津遇合其亦有數耶西襟歡結若平生交余以瓦缶扣珠玉在杭亦以咸池酬北里詩筒往來者六閱歲若詩若賦若古文詞種種從岱雲飛來且玉藻縱橫金牋洒落每一發械如獲明珠幾萬斛乃擊節嘆曰異哉在杭才如李供奉詩如劉隨州賦如左太冲古文詞如司馬子長字如韋邠公草聖如張伯英行書如王右軍蠅頭小錦如蔡中郎烏乎古人得其偏在杭得其全古人得

其粗在杭得其精洵前無千古也者奚有於江南北哉是豈七閩之秀苞孕數百年故生在杭爾爾所繇在杭蚤歲釋褐宦情泊如常謂丈夫志在千秋奈何手板支頤日深深鼻孔向人兩為司李朱輪停時即携一編高坐匡牀命侍姬焚龍涎吸清茗半盞臨蘭亭一過其懷抱閒適如此搗詞振藻烏得不超越尋常萬萬乎今拜南都司寇尚書郎若曹固閒署流覽之剩飽習故業益日新而富有之由今觀固在杭不如某

小草齋集 雜序

三

某由後觀恐某某不如在杭矣世之操觚家即執索韃受約束壇下魂奪口噤誰敢提偏師攻之其辟易驚皇走也無恠矣無恠矣